



## ՋԵՌՆԱԴՐՈՒԹՅՈՒՆՆԵՐ Ս. ՀԱԿՈԲՅԱՆՑ ՄԱՅՐ ՏԱԾԱՐՈՒՄ

Սեպտեմբեր 27, 28 և 29 օրերը հոգևոր ուրախության և խանդավառության առիթներ էին սրբոց Հակոբյանց միաբանության և Երուսաղեմի հայ հավատացյալ ժողովրդի համար:

Այդ օրերին կատարվեցին մի շարք հոգեվոր հանդեսներ և ձեռնադրություններ Երուսաղեմի սրբոց Հակոբյանց Մայր տաճարում:

### Դպրության աստիճանի տվչություն

Ուրբաթ, 27 սեպտեմբեր 1974 թ., ս. Հակոբյանց Մայր տաճարում, երեկոյան ժամերգությունից հետո, լուսարարապետ տ. Հայրիկ արքեպ. Ասլանյանը ժառանգավորաց վարժարանի քսանչորս աշակերտների շնորհեց դպրության չորս աստիճաններ:

### Ուրարի տվչություն

Նույն օրը, դպրության աստիճանի տվչությունից հետո, լուսարարապետ արքազան հայրը «Պահպանիչ»-ով ուրար կրելու արտոնություն շնորհեց ընծայարանի առաջին դասարանի ուսանողներ Սերոբ Գալեմտերյանին, Հակոբ Տուրսունյանին, Սիմոն Պալյանին և Պարույր Մելքոնյանին:

### Ձեռնադրություն սարկավագների

Սեպտեմբերի 28-ին, շաբաթ օրը, ս. պատարագի ընթացքում, լուսարարապետ արքազան հայրը սարկավագ ձեռնադրեց ընծայարանի երկրորդ դասարանի ուսանողներ՝ ուրարակիր Հարություն Աթեշյանին և ուրարակիր Հրանդ Ծերպեթճյանին:

### Ձեռնադրություն կուսակրոն քահանաների


Ծաբաթ, 28 սեպտեմբերի, երեկոյան ժամերգությունից հետո, ամեն. տ. Եղիշե պատրիարք ս. հայրը կատարեց երկու ըն-

ծայալների կոչման արարողությունը ս. Հակոբյանց Մայր տաճարում: Ընծայալներն էին՝ ընծայարանի շրջանավարտներ Սարգիս սարկավագ Տավրուսյանը և Համբարձում սարկավագ Պալյանը: Խարտավիլյան էր լուսարարապետ տ. Հայրիկ արքեպ. արքազան հայրը, աղոթեցրակա ունենալով Հրեշտակաց վանքի վանահայր տ. Վահան վրդ. Թովհայանը և ժառանգավորաց վարժարանի և ընծայարանի տեսուչ տ. Աղան վրդ. Բալիոզյանը:

Ընծայալների իմացական և բարոյական պատրաստության մասին վկայվելուց հետո պատրիարք արքազան հայրը տվեց կոչման տակալին օրհնությունը: Ապա ընծայալները արտասանեցին ս. Գրիգոր Տաթևացու կողմից բանաձևված Հայաստանյայց եկեղեցու Հավատո դավանությունը:

Կիրակի, 29 սեպտեմբեր, վերացման ս. Խաչի տոնի օրը, տեղի ունեցավ երկու ընծայալների արեղայական ձեռնադրություն՝ ձեռամբ ամեն. պատրիարք հոր, որը մակ օրվա պատարագիչն էր:

Ծաշու գրքի ընթերցումից առաջ ընծայալները, շարականների երգեցողության ներքո, ծնրադիր ս. խորան բարձրացան և ապա դարձան դեպի ժողովուրդը, իրենց բազուկները գլուխներից վեր պահած՝ ի նշան աշխարհից մեկընդմիջտ հրաժարվելու: Այնուհետև «Աստուածային և երկնային շնորհ» շարականի երգեցողությունից հետո ընծայալները բոլորվեցին պատրիարք արքազան հոր առջև, որն իր ձեռքերը խաչանիշ դնելով յուրաքանչյուրի գլխին, արտասանեց ձեռնադրության աղոթքը՝ «Ես դենմ գձեռու ի վերայ սորայ և դուք ամենեքեան աղօթս արարեք զի արժանի լինիցի սա զաստիճան քահանայության, անարատ պահել առաջի սեղանոյ Տեառն Աստուծոյ»: Ողջույնից հետո աղոթքով և շարականներով ընծայալներին շնորհվում է քահանայության հատուկ եկեղեցական զգեստներ:



ՄԻ ՊԱՀ ՁԵՐՆԱԳՐՈՒԹՅՈՒՆԻՆԻՑ

## Օծում և որոնմաների

Դպիրները եղանակում են «Առաքելոյ աղանդ» հոգեգնացի շարականը, և պատրիարք սրբազան հայրը սրբալույս մշտունով օծում է յուրաքանչյուր և որոնմանի անկատն ու ակեղը՝ նույն պահին և որ անուններով վերակոչելով նրանց. Սարգիս սարկավազը՝ տ. Գեղարդ արեղա, և Համբարձում սարկավազը՝ տ. Ասպետ արեղա:

Այնուհետև պատրիարք սրբազանն աղոթքով և օրհնությամբ և որոնմաներին է մատուցում սուրբ սկիհը, որպես խորհրդանշի՝ ա. պատարագ մատուցելու իրավունքի: Նորընծաները հավատացյալ ժողովրդին են բաշխում իրենց անդրանիկ օրհնությունը: Օծման արարողության ավարտին պատրիարք սրբազանը գեղեցիկ և անբնական բարոգով իր երկու հոգևոր զավակներին հորդորում է հավատարիմ մնալ Հայաստանյայց եկեղեցու դարավոր ու սուրբ ավանդություններին և ծառայել նրան որպես անցկուն և հավատավոր մշակներ:

## Վեղարի տվչություն

Երեկոյան ա. Հակոբյանց Մայր տանում, ընթերցումներով և շարականների երգեցողությամբ, պատրիարք սրբազան հայրը կատարեց և որոնմաների վեղարի տվչությունը:

Նույն օրը, երեկոյան, սրբազան պատրիարք հոր նախագահությամբ միաբանական սեղանատանը տրվում է ճաշկերույթ, որին ներկա են լինում նաև Ժառանգավորաց վարժարանի և ընծայարանի ուսանողները: Նորընծաներին այս առիթով շնորհավորում են միաբանության անդամները: Տ. Գեղարդ արեղա Տավուտյանը իր և իր օծակից եղբոր անունից երախտագիտության և շնորհակալության խոսք է ասում պատրիարք սրբազան հորը՝ օրվա հոգևոր տվչության և որով, և խոստանում իրենց հետագա ա-

թոռանվեր աշխատանքով արդարացնել իրենց վրա դրված հույսերն ու ակնկալությունները:

Ճաշկերույթի ավարտին պատրիարք սրբազան հայրը շնորհավորում է և որոնմաներին և մատուցում նրանց հավատարիմ մնալ իրենց սուրբ կարգին և աշխատել ի պայծառությամբ սուրբ Աթոռին և հայ եկեղեցուն:

**Տ. Գեղարդ արեղա Տավուտյանը** ծնվել է Բեյրութում 1951 թ.: Մեծացել է որբ: Իր նախնական կրթությունը ստացել է Բեյրութի Սահակյան վարժարանում և 1964 թ. ընդունվել է Ժառանգավորաց վարժարան: 1974 թ. հունիսին ավարտել է ընծայարանը:

**Տ. Ասպետ արեղա Պալանը** ծնվել է 1948 թ. Գամշիում (Սիրիա): Իր նախնական կրթությունը ստացել է Բեյրութում, Ազգային վարժարանում, ապա 1966 թ. ընդունվել է Ժառանգավորաց վարժարան:

Ընծայարանի եռամյա դասընթացն ավարտել է 1974 թ. հունիսին:

**Հարություն սարկավազ Աթեշյանը** ծնվել է Տիգրանակերտում (Թուրքիա) 1954 թ.: 1967 թ. ընդունվել է Ժառանգավորաց վարժարան: Այժմ ընծայարանի երկրորդ կուրսում է:

**Հրանդ սարկավազ Ծերպեթյանը** ծնվել է 1955 թ. Կ. Պոլսում: Զավակն է տ. Գեղամ բահանայի: 1970 թ. ընդունվել է Ժառանգավորաց վարժարան: Այժմ սովորում է ընծայարանի երկրորդ կուրսում:

\*  
\* \*

«Էջմիածին» ամսագրի խմբագրությունը շնորհավորում է արեղաներին ու բարեմաղթում նրանց՝ լինել «մշակք առանց ամօթոյ» և արդարացնել տ. Եղիշե սրբազան պատրիարք հոր հույսերն ու ակնկալությունները՝ ճշմարտապես լինելով հայ եկեղեցու հոգեվոր-սպասին կանչված միջրյալ հոգևորականներ՝ աթոռանվեր միաբաններ:

